

## RESOLUCIÓN REITORAL DE 5 DE FEBREIRO DE 2014 POLA QUE SE CONVOCAN OS PREMIOS DE POESÍA, RELATO CURTO E TRADUCIÓN LITERARIA DA UNIVERSIDADE DE VIGO

A Universidade de Vigo, a través da Área de Normalización Lingüística, e co patrocinio da Secretaría Xeral de Política Lingüística da Xunta de Galicia, convoca os Premios de poesía, relato curto e tradución literaria para o ano 2014, de acordo coas seguintes

### BASES

1.<sup>o</sup> As modalidades que conforman os premios da convocatoria deste ano son as seguintes: poesía, narrativa curta e tradución literaria.

2.<sup>o</sup> Poderán participar todos os membros da Universidade de Vigo. Porén, non poderá intervir na modalidade de tradución literaria o profesorado que imparta docencia da titulación de Tradución e Interpretación ou de calquera das filoloxías.

Os orixinais deberán estar escritos en lingua galega de acordo coas *Normas ortográficas e morfolóxicas do idioma galego* da Real Academia Galega e do Instituto da Lingua Galega (NOMIG 2003).

3.<sup>o</sup> Establécese un primeiro premio de 700 € e dous accésits de 250 € (cantidades ás que lles aplicarán as retencións legalmente establecidas) para cada unha das modalidades: poesía, relato curto e tradución literaria, premios que se outorgarán aos mellores traballos orixinais de cada modalidade. Todos eles poderán ser declarados desertos a xuízo do xurado.

A importe global do conxunto dos premios será de 3600 euros para este ano, achegado pola Consellería de Cultura, Educación e Ordenación Universitaria e incorporado á partida 2014 0000 421 SNLI 48409 de Normalización Lingüística.

4.<sup>o</sup> Os orixinais presentados nesta convocatoria deberán ser inéditos e non premiados noutro certame no momento da decisión do xurado. Os autores/as deberán aterse ás seguintes normas para realizar e presentar os orixinais:

- Nas modalidades de **poesía e de relato curto**, debe tratarse de traballos orixinais non publicados nin premiados en ningún certame. O tema será libre e as autoras e autores deberán axustarse á seguinte extensión:
  - Poesía: mínimo de 100 versos e máximo de 150
  - Relato curto: mínimo de 8 folios e máximo de 12
- Na modalidade de **tradución literaria**, o texto fonte será un texto literario en calquera idioma, cun mínimo de 8 páxinas e un máximo de 20.

5.<sup>o</sup> Os traballos presentaranse por quintuplicado, mecanografados a dobre espazo, con letra Times New Roman e corpo 12. Así mesmo, incluírase un sobre pechado (que o xurado abrirá unicamente no caso de ser premiado) onde figurará o lema elixido polo autor/a e os seus datos

Universidade de Vigo -  
Registro Xeral

Saída Nº. 201400002175  
09/02/14 13:24:28

persoais (nome, apelido, teléfono de contacto e enderezo electrónico).

Ademais, no caso dos traballos presentados na modalidade de tradución literaria, os autores/as deberán presentar en folia á parte a seguinte información: o autor/a, título e cinco copias do texto fonte, a lingua de publicación e os datos de edición da obra (ano e lugar de publicación e editorial).

A entrega dos traballos, dirixidos á Área de Normalización Lingüística, farase baixo lema en calquera dos rexistros da Universidade (edificios administrativos dos campus de Vigo e de Ourense, respectivamente, e Escola de Enxeñaría Forestal, no Campus de Pontevedra), ademais do rexistro auxiliar de Vigo (edificio anexo EUET Industrial, EUE Empresariais (rúa de Torrecedeira).

O prazo de admisión de orixinais pechará ás 14.00 horas do 31 de marzo de 2014.

6.<sup>o</sup> Os traballos premiados serán propiedade dos autores/as respectivos, agás a primeira edición, que publicará a Universidade de Vigo. En posteriores edicións, se as houberse, deberá constar a súa condición de Premio Universidade de Vigo.

7.<sup>o</sup> O xurado, presidido polo reitor ou persoa en quen delegue, estará integrado por persoas de recoñecida traxectoria nos ámbitos da creación poética e narrativa, da crítica literaria e mais da tradución.

A decisión será inapelable e a entrega dos devanditos premios terá lugar no acto institucional da Universidade de Vigo con motivo do Día das Letras Galegas de 2014.

8.<sup>o</sup> Os orixinais non premiados non serán devoltos aos autores/as nin se manterá correspondencia sobre eles. Serán destruídos pasados dez días da resolución da convocatoria.

9. A interpretación destas bases corresponderalle exclusivamente ao xurado. O feito de presentaren as súas obras supón a conformidade dos/as concorrentes con estas bases.



O reitor

Salustiano Mato de la Iglesia

Dilixencia para facer constar que esta resolución se publica con esta data nos rexistros desta universidade.

Vigo, 5 de febreiro de 2014

A secretaria de reitor  
Carmen Estévez Caamaño

